



Broj: 05/2-11/3-1095-2/23

Velika Kladuša, 14.11.2023. godine

Na osnovu člana 70., člana 69. i člana 68. Zakona o javnim nabavkama BiH („Službeni glasnik BiH“, broj: 39/14 i 59/22) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku radova postavljanja vanjske termoizolacije i završnog sloja fasade na centralnom objektu tri srednje škole u Velikoj Kladuši, Općinski načelnik Općine Velika Kladuša, donio je

ODLUKU

o poništenju postupka javne nabavke

1. **Poništava se postupak** javne nabavke pokrenut donošenjem Odluke o pokretanju postupka javne nabavke broj: 06.07.2023. godine, te Obaviještenjem broj: 299-1-3-12-3-12/23 objavljenim na stranici Agencije za javne nabavke dana 11.07.2023. godine, tip postupka Otvoreni postupak za nabavku radova postavljanja vanjske termoizolacije i završnog sloja fasade na centralnom objektu tri srednje škole u Velikoj Kladuši.

2. Stavlja se van snage Odluka o dodjeli ugovora broj: 05/2-11/3-1095/23 od 13.09.2023. godine, kojom se ugovor o javnoj nabavci radova postavljanja vanjske termoizolacije i završnog sloja fasade na centralnom objektu tri srednje škole u Velikoj Kladuši, dodjeljuje ponuđaču SAFIĆ ELECTRONICS d.o.o Velika Kladuša, sa konačnom cijenom od 102.101,25 KM bez PDV-a.

3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14 i 59/22).

Obrazloženje

Na osnovu Plana javnih nabavki Općine Velika Kladuša za 2023. godinu, broj: 05/2-11/3-796/23 od 25.04.2023. godine, pokrenut je dana 06.07.2023. godine postupak javne nabavke radova postavljanja vanjske termoizolacije i završnog sloja fasade na centralnom objektu tri srednje škole u Velikoj Kladuši.

Javna nabavka provedena je putem otvorenog postupka, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-1-3-12-3-12/23 objavljeno je na Portalu javnim nabavki (ejn.gov.ba), dana 11.07.2023. godine. Procijenjena vrijednost nabavke iznosi 102.564,12 Kmbez PDV-a.

Krajnji rok za dostavljanje ponuda bio je 03.08.2023. godine do 12:00 sati, a javno otvaranje ponuda izvršeno je 03.08.2023. godine u 12:15 sati, što je konstatovano Zapisnikom sa otvaranja ponuda od 03.08.2023. godine.

Komisija za javne nabavke u Izvještaju o radu komisije za javne nabavke nakon izvršenog otvaranja ponuda broj: 05/2-11/3-1095/23 od 03.08.2023. godine konstatovala je da je Tendersku dokumentaciju preuzelo 13 (trinaest) ponuđača, a da su nakon isteka krajnjeg roka za dostavljanje ponuda pristigle 2 (dvije) ponude od strane ponuđača, i to:

1. „KRISTAL“ d.o.o Živinice, sa ponuđenom cijenom od 113.361,30 KM bez PDV-a i
2. „SAFIĆ ELECTRONICS“ d.o.o Velika Kladuša, sa ponuđenom cijenom od 102.101,25 KM bez PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponuda ponuđača „KRISTAL“ d.o.o. Živinice prelazi procjenjenu vrijednost javne nabavke pa je Komisija stava da ista poštujući odredbe člana 2. stav (1) tačka 1) Zakona o javnim nabavkama treba biti odbačena kao neprihvatljiva, dok ponuda pristigla od strane ponuđača „SAFIĆ ELECTRONICS d.o.o. Velika Kladuša ispunjava formalno-pravne i tehničke zahtjeve Ugovornog organa sa ponuđenom cijenom od 102.101,25 KM, te je kao takva prihvatljiva.

Shodno navedenom Komisija je u Izvještaju dala preporuku Općinskom načelniku Općine Velika Kladuša da se ugovor za nabavku radova postavljanja vanjske termoizolacije i završnog sloja fasade na centralnom objektu tri srednje škole u Velikoj Kladuši dodijeli ponuđaču „SAFIĆ ELECTRONICS“ d.o.o. Velika Kladuša.

Članom 2 stav (1) tačka 1) propisano je da je Ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti:

- 1) prihvatljiva - koju je podnio ponuđač koji nije bio isključen u skladu sa članom 45. ovog zakona i koji ispunjava kriterijume za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva;
- 2) neprihvatljiva - čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta;
- 3) nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Općinski načelnik donio je 13.09.2023. godine Odluku o dodjeli ugovora broj: 05/2-11/3-1095/23 kojom se ugovor o javnoj nabavci radova postavljanja vanjske termoizolacije i završnog sloja fasade na centralnom objektu tri srednje škole u Velikoj Kladuši, dodjeljuje ponuđaču SAFIĆ ELECTRONICS d.o.o Velika Kladuša, sa konačnom cijenom od 102.101,25 KM bez PDV-a, te se ponuda ponuđača „KRISTAL“ d.o.o. Živinice odbacuje kao neprihvatljiva budući da ista prelazi procijenjenu vrijednost javne nabavke, koja je dostavljena ponuđačima.

Članom 3 stav (2) tačka c) alineja 4) Uputstva za pripremu modela tenderske dokumentacije i ponuda (Službeni glasnik BiH“, br. 90/14 i 20/15) propisano je da se u tenderskoj dokumentaciji navodi i primjeran rok u kojem izabrani ponuđač je dužan dostaviti dokaze o kvalificiranosti (u originalu ili ovjerenoj kopiji) nakon što svi ponuđači budu obaviješteni od strane ugovornog organa.

Tenderskom dokumentacijom, tačka 5.1.8. određeno je da dokumenti kojima se dokazuje lična sposobnost ponuđača tražena tenderskom dokumentacijom moraju biti zaprimljeni kod Ugovornog organa u roku od 5 (pet) dana od dana prijema Odluke o izboru najpovoljnijeg ponuđača, u radnom vremenu Ugovornog organa najkasnije do 16:00 sati, te za Ugovorni organ nije relevantno na koji način su dostavljeni (lično, poštom i itd).

Ponuđač SAFIĆ ELECTRONICS d.o.o Velika Kladuša zaprimio je 20.10.2023. godine Odluku od dodjeli ugovora broj: 05/2-11/3-1095/23, a dokaze o ispunjavanju uslova iz člana 45. Zakona dostavio ugovornom organu 07.11.2023. godine (osamnaesti dan po zaprimanju Odluke o dodjeli).

Članom 68. stav (1) Zakona o javnim nabavkama propisano je: „Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze, ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45 do 51. ovog zakona“.

Članom 68. stav (4) tačka i) Zakona o javnim nabavkama propisano je: Ugovorni organ dužan je odbaciti zahtjev za učešće ili ponudu i u slučaju kad ponuda nije potpuna i ne ispunjava zahtjeve iz tenderske dokumentacije“.

Članom 69. stav (2) tačka d) Zakona o javnim nabavkama propisano je:“Ugovorni organ obavezan je poništiti postupak javne nabavke u slučaju da nijedna od primljenih ponuda nije prihvatljiva“.

Budući da je izabrani ponuđač SAFIĆ ELECTRONICS d.o.o Velika Kladuša zaprimio 20.10.2023. godine Odluku od dodjeli ugovora broj: 05/2-11/3-1095/23, a dokaze o ispunjavanju uslova iz člana 45. Zakona dostavio ugovornom organu 07.11.2023. godine (osamnaesti dan po zaprimanju Odluke o dodjeli), što znatno premašuje ostavljeni rok od pet dana definisan tenderskom dokumentacijom, cijeneći naprijed navedene zakonske odredbe ista je za Ugovorni organ neprihvatljiva, te je u skladu sa odredbama Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.



DOSTAVITI:

1. Učesnicima u postupku, 2x,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.